



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanuelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

Lazarum sororibus reddit. 38

urn:nbn:de:hbz:466:1-38349

ELOGIUM XXXVIII.
LAZARUM SORORIBUS REDDIT

Joan. cap. II.

*Causa ægritudinis
Lazari, ex absentia
Christi: si enim fuis-
set hic, non fuisset
mortuus.*

*Miserunt ante omnia
Sorores ejus ad eum
dicentes: Ecce quem
amas, infirmatur.*

*Vt audivit quia in-
firmatur, mansit in
eodem loco duobus
diebus.*

*Lazarus Amicus
noster dormit, sed
vado, ut excitem,
&c.*

*Domine jam sciet,
Quatriduanus enim
est.*

*Ex Chrysol. serm.
de Lazaro suscitato.*

*Diis enim eum u-
traque colloquitur
antequam ad sepul-
crum veniret.*

*Tollite lapidem.
Chrysol. ubi supra.
ad sit materni bajula
nominis Maria.*

*Lazarus mortuus
est, sed gaudeo propter
vos.*

*Infremuit Spiritu,
& turbavit seipsum.*

Jesum abire non sinite,
Qui ægritudines, & mortem timetis.
Excubant circa nos disposita in insidiis mala,
Quæ quia præsentem illo non audent erumpere
Captant ex illius absentia opportunitates nocendi,
Retineret adhuc Bethania Lazarum,
Si non dimiserat Christum;
Digna tamen est, quæ utrumque recuperet,
Quæ Deum ante Medicos accessit.
Festinant nuncii dies fugitivos præcurrere;
Narrant ægritudinem, nec referunt sanitatem,
Prodit non egere se nunciis
In amicorum periculis Christus.
Ut sit tamen infortunio locus
Nescit moras per biduum;
Utpote cui esset in dispari gloria par facilitas,
Mortem vincere, ac remove re languorem.
Proficit morbus, spes deficit,
Et mortuo consepulta
Ad fœtorera usque putrescit,
Sertus adest Medicus, adhuc tamen etiã opportuno,
Et vivis non minus consulturus, quam mortuo,
Vocatus pro Lazaro
Videri diu potuit pro Maria solum,
Et Martha venisse.
Geminavit illa dilatio beneficium,
Cum iis fidem reddiderit, antequam fratrem.
Otiosum neminem in comitatu patitur suo;
Inter divinas virtutes humanum requirit auxilium,
Juber tolli lapidem, spem attolli.
Illaturus vim Erebo,
Tremendi bajulam nominis
Vult secum esse Mariam.
Qui amici mortem enuncians gaudere se dixerat,
Ubi eum ita miseræ redditurus est vitæ
Tota viscerum commotione turbatur.

Fiebat

Fiebat illa excitatio cum injuria dormientis,
 Unde ad illam venit cum mœrore benevolus
 Ad quam tripudio festinasset iratus.
 Elevatis in Cœlum oculis
 Dimensus hominis lapsum ingemuit,
 Et spelunca spectata
 Recordatus latrocinium Dæmonis,
 Lavare voluit oppressi viatoris vulnere vino suo.
 Qui jam omnia jura mortis intraverat,
 Fœtet sorori, sed nondum Deo,
 Quem uno putredo nostra
 Ad miserationem sollicitat, non ad fugam.
 Omnium funera in unius spectans interitu,
 Quia adhuc solum Lazarum,
 Non etiam omnes mortuos suscitabat,
 In semetipsum sibi iratus infremuit.
 Coram omnium Judice
 Furti comperta mors sistitur,
 Et redimens reddendi celeritate rapinæ demeritum,
 Educit è specu
 Inclusum adhuc laqueis captivum suum.
 In libertate Christi,
 Nulla veteris servitutis tolerantur vestigia.
 Solutus suum experiri libertatem jubetur,
 Et de mortuo nihil præter silentium retinere.
 Stat pro luculenta gratiarum actione
 Ipsamet muta admiratio beneficii.
 Levia loquuntur gaudia, ingentia stupent.
 Et non jure luxeris surditatem viventium,
 Qui mortuos ita tibi attentos invenias?

*Jesus autem elevatis
 sursum oculis dixit
 Pater, &c.*

*Erat autem spelunca,
 & lapis superpositus
 erat, &c.*

*Dixit ei Jesus, nonne
 dixi tibi, quoniam si
 credideris, &c. cum
 Martha dixisset
 quia fœtet.
 Est ferme sensus
 Chrysolog. Vbi supra.*

*Corpus Lazari,
 quasi corpus delicti à
 morte commissi.*

*Et statim prodiit,
 qui fuerat mortuus,
 ligatus manus, &
 pedes insistit.*

*Solvite eum, &
 finite abire.*

*Nulla enim legitur
 vox Lazari recens
 suscitati.*

ELOGIUM XXXIX.

AD CRUCEM TRIUMPHALI POMPA DISCEDIT.

Matth 21. Marc. II. Luc. 19. Ioan. 12.

Certa Christo de hostibus victoria est;
 Ante pugnam palmas exposcit.
 Mors tamen nuper in Lazaro victa
 Justam triumpho poruit causam dare.

*Christus victor vel
 ante pugnam.*

*Quæ Christo triumphi
 causa.*

Auxit